



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XII

BROJ: 208

DATUM: 11.12.2015.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana prezentacija individualnih preporuka za adekvatnu primjenu LOD metodologije u partnerskim JLS LOD I i LOD II projekta

Počinje finansiranje Grada Sarajeva sredstvima javnih prihoda Federacije BiH

Održana Konferencija predsjedavajućih i sekretara općinskih / gradskih vijeća

Sportska dvorana u Kreševu dobila fasadu

Održan seminar na temu Proces europskih integracija

Polupodzemni kontejneri u Kaknju

Održana 4. konferencija sistema obuke za JLS u BiH

Elektroprivredi BiH i Općini Visoko odobrena aplikacija za EU program-Horizonti 2020.

Formiran Savjet za lokalni ekonomski razvoj grada Tuzla

Međunarodni program - Jačanje kapaciteta žena u politici

Održana 33. dodjela nagrada "Najmenadžer i najkompanija BiH"

Bilten Saveza općina i gradova Federacije Bosne i Hercegovine

ODRŽANE PREZENTACIJE INDIVIDUALNIH PREPORUKA ZA ADEKVATNU PRIMJENU LOD METODOLOGIJE U PARTNERSKIM JLS LOD I I LOD II PROJEKTA

Savez općina i gradova Federacije Bosne i Hercegovine, kao partner UNDP-u na projektu Jačanje lokalne demokratije / demokratije IV (LOD IV) u sklopu svojih aktivnosti, između ostaloga izvršio je i prezentacije individualnih preporuka za kvalitetniju implementaciju LOD metodologije.

Preporuke su izrađene u okviru "Analize primjene LOD metodologije u partnerskim općinama / općinama LOD I i LOD II projekta", koja je

urađena u junu 2014. godine. Cilj izrade analize jeste utvrđivanja stanja i ocijene usklađenosti načina dodjele budžetskih sredstava organizacijama civilnog društva sa LOD metodologijom, odnosno utvrđivanja dostignuća u primjeni LOD metodologije. Analiza je izrađena u junu 2014. godine, a odnosila se na 29 partnerskih općina LOD I i LOD II projekata koji su trajali od 2009. do 2012. godine.

Savez općina i gradova Federacije Bosne i Hercegovine upoznao je jedinice lokalne samouprave koje su obuhvaćene analizom iz Federacije Bosne i Hercegovine, odnosno nadležne službe za rad sa organizacijama civilnog društva i za finansije o individualnim nalazima analize i preporukama za poboljšanje primjene LOD metodologije.

Jedinice lokalne samouprave iz Federacije Bosne i Hercegovine koje su obuhvaćene Analizom su: Bihać, Bugojno, Gračanica, Jablanica, Ključ, Ljubuški, Maglaj, Sarajevo, Srebrenik, Široki Brijeg, Tešanj, Travnik, Tuzla, Velika Kladuša i Zenica. Za općine Novi Grad Sarajevo (LOD I) i Zavidoviće (LOD II), na osnovu dostupnih podataka nije bilo moguće izvršiti analizu. Projekat Jačanje lokalne demokratije / demokratije IV (LOD IV) je projekat koji finansira Evropska unija iz sredstava Instrumenta za prepristupnu pomoć (IPA), a implementira Razvojni program Ujedinjenih nacija u Bosni i Hercegovini. Projekat LOD je trenutno u četvrtoj fazi sprovedbe - LOD IV (započet u junu 2014. godine), nakon uspješnog okončanja prva tri ciklusa - LOD I (2009-2011), LOD II (2011-2012) i LOD III (2012-2014). Savez općina i gradova Federacije Bosne i Hercegovine je partner projektu od njegove treće faze, odnosno 2012. godine.



Sa prezentacije u Gradu Tuzla

POČINJE FINANSIRANJE GRADA SARAJEVA SREDSTVIMA JAVNIH PRIHODA



Zakon o izmjenam i dopunama Zakona o pripadnosti javnih prihoda u FBiH koji je 10. decembra objavljen u „Službenim novinama FBiH“ stupio je na snagu 11. decembra. Stupanjem na snagu Zakona, Grad Sarajevo se finansira iz javnih prihoda sa jedinstvenog računa Federacije Bosne i Hercegovine. Vraćanjem prihoda Gradu "nakon 18 mjeseci pravne bitke, koju je vodila ova gradska administracija, osiguran je njegov status i finansiranje, a time i opstojnost Sarajeva kao glavnog grada države Bosne i Hercegovine".



Grb Grada Sarajeva

Stupanjem na snagu ovoga zakona i vraćanjem prihoda glavnom gradu, Grad Sarajevo će moći nesmetano nastaviti da obavlja svoje funkcije i realizira aktivnosti, pogotovo kad je riječ o trenutno najaktuelnijim gradskim infrastrukturnim projektima, kao što su: izgradnja gradske biciklističke staze, revitalizacija Trebevičke žičare, signalizacija za slijepe i slabovidne osobe, Evropski omladinski olimpijski festival (EYOF), javni doček Nove godine i sl. Početkom novembra Vlada FBiH je utvrdila Prijedlog zakona o izmjenama i dopunama Zakona o pripadnosti javnih prihoda u FBiH i uputila u parlamentarnu proceduru po hitnom postupku. Na sjednicama, održanim u novembru, ovaj zakonski akt usvojili su zastupnici i delegati oba doma Parlamenta Federacije BiH. Donošenjem ovog zakona ispoštovana je odluka Ustavnog suda FBiH iz juna ove godine, kojom je utvrđeno da je Gradu Sarajevu povrijeđeno pravo na lokalnu samoupravu, zagarantirano odredbama Ustava FBiH, Evropske povelje o lokalnoj samoupravi i Zakona o načelima lokalne samouprave u Federaciji BiH, kaže se u saopćenju Gradske uprave.

ODRŽANA KONFERENCIJA PREDSEDAVAJUĆIH I SEKRETARA OPĆINSKIH / GRADSKIH VIJEĆA

Predsjedavajući i sekretari gradskih i općinskih vijeća u Federaciji Bosne i Hercegovine okupili su se u Sarajevu 4. decembra 2015. godine na zajedničkoj konferenciji kako bi unaprijedili saradnju sa Savezom općina i gradova Federacije Bosne i Hercegovine i osnažili međupćinsku i među institucionalnu saradnju u Bosni i Hercegovini. Konferencija je održana u Parlamentarnoj skupštini Bosne i Hercegovine u organizaciji Savez općina i gradova Federacije Bosne i Hercegovine u okviru projekta AMCS - Podrška savezima općina i gradova BiH čiji je cilj



Sa konferencije

jačanje saveza u zastupanju i lobiranju interesa jedinica lokalne samouprave.

Slaviša Šućur, predsjednik Odbora za pravdu, opću upravu i lokalnu samoupravu u Domu naroda Parlamenta Federacije Bosne i Hercegovine, podsjetio da je Zakon o načelima lokalne samouprave u FBiH donesen prije skoro deset godina te da je izglasan u širokom političkom konsenzusu i legislativno je postao moćan instrument i odgovor na apatiju viših razina vlasti. Međutim, sa viših razina nikad nije uslijedila odgovarajuća strategija razvoja lokalne samouprave. Direktor Zavoda za javnu upravu Federalnog ministarstva pravde Enver Išerić, naglasio je kako je lokalna samouprava jedno od izuzetno značajnih pitanja za čitavu Bosnu i Hercegovinu. Bosna i Hercegovina je ratificirala Evropsku povelju o lokalnoj zajednici, ali veliki problem je što BiH nema državnog zakona koji tretira lokalnu samoupravu. Striktna primjena Evropske povelje, osim što bi doprinijela boljem rješavanju ekonomskih i drugih životnih problema lokalnih sredina, riješila bi po Išerićevom mišljenju i mnoga politička pitanja. Muhamed Ramović, član Predsjedništva Skupštine Saveza općina i gradova FBiH i načelnik Općine Goražde, naveo je da je ideja o podršci Saveza općina i gradova lokalnim sredinama već dala dobre rezultate na terenu. Problemi su, po njegovim riječima, u raspodjeli indirektnih poreza, što se transferiraju sa viših razina vlasti kao proces u kojem su lokalne zajednice oštećene. Potrebno je osnovati ministarstvo za lokalnu upravu i samoupravu, zaključuje Ramović.

Direktor Odjela za ljudsku dimenziju Misije OEES-a u Bosni i Hercegovini Ken Palmer ističe suradnju OSCE-a sa svim razinama vlasti u BiH, a posebno težište stavlja na jačanje demokratske uprave na lokalnom nivou kao najbližem građanima. „Misija OSCE-a je uložila veliki trud u pružanju podrške međupćinskoj suradnji i jačanju rada oba entitetska saveza kad je riječ o predstavljanju i zagovaranju interesa jedinica lokalne samouprave“, dodao je on. Palmer je obećao nastavak OSCE-ve podrške svim strukturama vlasti u Bosni i Hercegovini u jačanju lokalne samouprave.

Slike sa Konferencije možete pogledati klikom na link: <https://flic.kr/s/aHskmZSMSZ>

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmedeu.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

“Ideja o podršci Saveza općina i gradova lokalnim sredinama je već dala dobre rezultate na terenu, ali problem predstavlja raspodjela indirektnih poreza, što se transferiraju sa viših razina vlasti kao proces u kojem su lokalne zajednice oštećene. Potrebno je osnovati ministarstvo za lokalnu upravu i samoupravu.”



SPORTSKA DVORANA U KREŠEVU DOBILA FASADU

U Kreševu je 24. novembra obavljena primopredaja radova na uređenju fasade gradske sportske dvorane na Trosci.

Fasada je obnovljena u okviru projekta Energetska efikasnost u udruženjima općina (EEMA) koji financira njemačko Ministarstvo za ekonomsku suradnju i razvoj (BMZ) i Vlada Švicarske, a provodi Njemačka organizacija za međunarodnu suradnju (GIZ) u suradnji sa Savezom općina i gradova Federacije BiH kroz Otvoreni regionalni fond za jugoistočnu Europu: Modernizacija općinskih usluga (ORF MMS) i Energetska efikasnost. Izvođač radova vrijednih 29.555,88 KM bilo je poduzeće „Miličević“ d.o.o. Kreševo.

Prijemu radova prisustvovali su predstavnici Općine Kreševo, Radoje Vidović i Zlatica Kuliš, direktorica poduzeća „Miličević“ Milijana Miličević-Dilber te predstavnici GIZ-a i Saveza općina i gradova FBiH, Dubravka Bošnjak i Amir Kupusija.



ODRŽAN SEMINAR NA TEMU PROCES EUROPSKIH INTEGRACIJA



U Općini Bugojno održan je seminar na temu „Proces evropskih integracija“. Organizatori seminara su Direkcija za evropske integracije, Savez općina i gradova Federacije Bosne i Hercegovine, Ambasada Republike Hrvatske u BiH i Centar izvrsnosti Ministarstva vanjskih i evropskih poslova Republike Hrvatske, dok su učesnici seminara bili predstavnici općina: Bugojno, Vitez, Travnik, Novi Travnik, Prozor-Rama, Jajce i Kreševo.

Na početku seminara, učesnike je pozdravio i uputio riječi dobrodošlice načelnik Općine Bugojno Hasan Ajkunić. Seminaru se obratio i Njegova ekselencija veleposlanik Republike Hrvatske u BiH Ivan Del Vechio, koji je govorio o hrvatskom modelu evropskih integracija.

Na temu iskustva Hrvatske u procesu evropskih integracija i politike proširenja, govorila je Dušanka Šulje, dok je na temu EU i BiH- stanje i perspektiva i uloga u procesu evropskih integracija, govorila Jesenka Hadžajlija, ispred Direkcije za evropske integracije. Cilj seminara je bio upoznati jedinice lokalne samouprave sa procesima evropskih integracija i prenijeti iskustva Hrvatske, njen razvoj i reformu uprave u tom procesu.



POLUPODZEMNI KONTEJNERI U KAKNJU

U periodu priprema Općine Kakanj za uvođenje podzemnih kontejnera u jezgru grada, Javno preduzeće "Vodokom" je izgradilo prve polupodzemne kontejnere u Kakanju na lokaciji kod solitera 2, saopćeno je na zvaničnom sajtu Kakanja.

Nakon što je izgrađen prvi polupodzemni kontejner građani iz obližnjih zgrada sada mogu ubaciti smeće u kontejner putem posebnih cijevi, a pristup kontejnerima je onemogućen svima izuzev radnicima "Vodokoma" u momentu pražnjenja kontejnera.

„Koliko god se radnici trudili, apelovali, čistili, često je oko kontejnerske niše bila prava mala deponija.

Pomenuta lokacija sigurno je pravi izbor za početak revolucije u prikupljanju i upravljanju otpadom“, saopćeno je iz JP "Vodokom" Kakanj.



Grb Općine Kakanj

ODRŽANA 4. GODIŠNJA KONFERENCIJA SISTEMA OBUKE ZA JLS U BIH

Na Jahorini je 8.12. 2015. godine u organizaciji Ministarstva uprave i lokalne samouprave RS-a i Federalnog ministarstva pravde, te tehničku pomoć Razvojnog programa Ujedinjenih nacija u BiH, održana Četvrta godišnja konferencija sistema obuke za jedinice lokalne samouprave u Bosni i Hercegovini. Konferenciji je prisustvovalo više od 100 učesnika, gradonačelnika i načelnika i drugih predstavnika jedinica lokalne samouprave, te međunarodnih organizacija.



Konferencija je održana u okviru projekta Sistem obuke za jedinice lokalne samouprave - MTS, kojeg finansira Švedska međunarodna razvojna agencija Sida, a provodi Razvojni program Ujedinjenih nacija u BiH - UNDP sa partnerima: Federalnim ministarstvom pravde, Ministarstvom uprave i lokalne samouprave RS-a, Savezom općina i gradova Federacije Bosne i Hercegovine, Agencijom za državnu službu FBiH i Savezom opština i gradova RS-a.

Na početku Konferencije prisutnima su se obratili Miliana Dragojević, ispred Ministarstva uprave i lokalne samouprave RS-a, Enver Išerić, ispred Federalnog ministarstva pravde, Marie Bergström, direktorica Side, Zahira Virani, zamjenica rezidentnog predstavnika - UNDP BiH, Sead Maslo, direktor Agencije za državnu službu Federacije BiH, Ivo Jerkić, predsjednik Predsjedništva Skupštine Saveza općina i gradova Federacije Bosne i Hercegovine i Aco Pantić, generalni sekretar Saveza opština i gradova RS-a.

Gđa Dragojević je istakla kako je ovaj projekat omogućio da se „ojača saradnja sa partnerskim institucijama u FBiH“, te je naglasila da „Vlada RS-a stoji iza sistema obuke za jedinice lokalne samouprave“.

Gdin Išerić je pocrtao da najveći uspjeh koji je urađen u periodu od 2008. godine jeste usvajanje Strategije obuke za period 2011. - 2015., te formiranje Koordinacionog tijela.

Gđa Bergström je izrazila nadu da će se obuke za uposlenike i izabrane zvaničnike nastaviti i u budućnosti, odnosno i nakon prestanka finansiranja od strane Side.

Gdin Jerkić je usvom govoru pohvalio institucije koje provode obuku, te istakao kako one „nesumnjivo rade marljiv posao, to su pokazali rezultati sa ranijih konferencija, a vjerujem, da će i danas prikazani rezultati biti hvalje vrijedni“. „Savez je u periodu od usvajanja Strategije obuke održao više od 60 obuka iz različitih oblasti. Nakon zadnjih lokalnih izbora održali smo 42 uvodne obuke za vijećnike, zatim, održali smo niz specijalističkih obuka na teme, kao što su: Upravljanje imovinom jedinica lokalne samouprave, Upravljanje prihodima jedinica lokalne samouprave, Javno - privatno partnerstvo, te Lideri lokalne samouprave. Ove obuke do sada je prošlo više od 900 učesnika“, istakao je Jerkić. Gdin Jerkić se osvrnuo i na učešće jedinica lokalne samouprave u obukama, pa je istakao kako da „skoro sve jedinice lokalne samouprave prošle su neku od obuka u organizaciji Saveza, a kroz Sistem obuke. Istina, postoji određeni broj jedinica lokalne samouprave koje, i pored velikog broja organiziranih obuka, u istim nisu uzele učešće, i to je nešto što je potrebno dalje unaprijediti.“ Na kraju, gdin Jerkić je izrazio nadu „da će svijest o potrebi za kontinuiranom edukacijom biti prisutna kod svih naših članica, a finansijska održivost sistema koja je kreirana, biti prihvaćena kao obaveza“.



Nakon uvodnih obraćanja, organizacije koje provode obuke u jedinicama lokalne samouprave prezentirale su rezultate obuka u 2015. godini, zatim rezultate evaluacije strategije obuke za period 2011. - 2015., rezultate analize potreba za obukom i nacrt entitetskih strategija obuke za period 2016. - 2020.

Slike sa Konferencije su dostupne klikom na link: <https://flic.kr/s/aHskpWK6tf>



SISTEM OBUKE ZA JEDINICE
LOKALNE SAMOUPRAVE U BIH

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

„Savez je u periodu od usvajanja Strategije obuke održao više od 60 obuka iz različitih oblasti. Nakon zadnjih lokalnih izbora održali smo 42 uvodne obuke za vijećnike, zatim, održali smo niz specijalističkih obuka. Kroz ove obuke do sada je prošlo više od 900 učesnika“.



ELEKTROPRIVREDI BIH I OPĆINI VISOKO ODOBRENA APLIKACIJA ZA EU PROGRAM – HORIZONT 2020.



Općinska načelnica, Amra Babić održala je sastanak sa predstavnicima Sektora za strateški razvoj Elektroprivrede BiH, koji su predvodili dr. Izet Smajević i dr. Mustafa Musić-šef sektora.

Tema sastanka bila je odobrena aplikacija Elektroprivrede BiH i Općine Visoko, kao fokus općine za razvojni projekat „Modeliranje grijanja manjih gradova obnovljivim

izvorima energije i smanjenja problema globalnog zagrijavanja i klimatskih promjena“, u okviru programa Evropske unije-Horizont 2020.

Horizont 2020 doprinosi ostvarivanju ciljeva iz ključnih strateških dokumenata Evropske unije vezanih za istraživanje, tehnološki razvoj i inovacije, Evropa 2020. i Unija inovacija, te izgradnji Evropskog istraživačkog prostora.

Pored Elektroprivrede BiH i Općine Visoko iz Bosne i Hercegovine u projekat su uključene i institucije iz Njemačke, Danske, Austrije, Slovenije i Makedonije, te Grad Šabac iz Srbije, Općina Ljutomer iz Slovenije, Elektrotehnički fakultet Univerziteta u Beogradu i Fakultet strojarstva i brodogradnje u Zagrebu.



Grb Općine Visoko

FORMIRAN SAVJET ZA LOKALNI EKONOMSKI RAZVOJ GRADA TUZLA

U petak, 4. decembra/prosinca, u Gradskoj upravi održan je prvi radni sastanak novoformiranog Savjeta za lokalni ekonomski razvoj Grada Tuzla, što predstavlja savremeni pristup u saradnji poslovnog, javnog i obrazovnog sektora. Svojim djelovanjem će funkcionalno i efektivno uticati na kreiranje poslovnog ambijenta za razvoj privrede i zapošljavanje na području grada. Novoformirani Savjet za lokalni ekonomski razvoj Grada Tuzla, predstavlja savremeni pristup u saradnji poslovnog, javnog i obrazovnog sektora, a svojim djelovanjem će funkcionalno i efektivno uticati na kreiranje poslovnog ambijenta za razvoj privrede i zapošljavanje na području grada.



Za predsjednika Savjeta imenovan je direktor firme Babilon d.o.o. iz Tuzle Sead Omerčević, a za zamjenika Omer Delalić, direktor i vlasnik firme Deling d.o.o. Tuzla.

Na prvom sastanku održanom krajem prošle sedmice razmatrana je između ostalog i inicijativa Gradske uprave za izmjenu postojećeg Zakona o stvarnim pravima, čime bi se doprinijelo efektivnijem korištenju postojećeg i napuštenog zemljišta za potrebe razvoja privrede, te projekat formiranja Poslovne zone Kreka-sjever u Tuzli.



Grb Grada Tuzla

MEĐUNARODNI PROGRAM - JAČANJE KAPACITETA ŽENA U POLITICI

U organizaciji Švedskog međunarodnog centra za lokalnu demokratiju realizira se program Jačanje kapaciteta žena u politici. Cilj projekta jeste da doprinese reformama i promjena u izabranim zemljama: Bjelorusija, Bosna i Hercegovina, Bocvana, Kina, Gruzija, Indija, Indonezija, Kenija, Kosovo, Makedonija, Moldavija, Mozambik, Namibija, Srbija, Južna Afrika, Tanzanija, Turska, Uganda, Ukrajina, Vijentnam i Zambija.

Program se odnosi na profesionalce koji aktivno rade na problemima bliskim lokalnoj demokratiji i razvoju. Iz svih zemalja će učestvovati ukupno 25 učesnika. Odlično poznavanje engleskog jezika je obavezno. Kranji rok za dostavljanje aplikacije, koja mora biti na engleskom jeziku je 31. januar/siječanj 2016. godine. Za više informacija o programu posjetite web stranicu Saveza

<http://www.sogfbih.ba/index.php?lang=ba&sel=57&view=1217,3>





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na



facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

ODRŽANA 33. DODJELA NAGRADA 'NAJMENADŽER I NAJKOMPANIJA' BiH



menadžerima i kompanijama iz biznisa, ali i iz ostalih područja djelovanja u Bosni i Hercegovini, uz prisustvo oko 400 zvanica - menadžera, naučnih, javnih i političkih ličnosti iz Bosne i Hercegovine i okruženja.

Za ovu prestižnu nagradu ove godine je nominovano oko 2.000 menadžera i kompanija iz svih privrednih oblasti, a priznanje je dobilo dvadesetjedno.

Uručeno je i petnaest "Specijalnih nagrada", ljudima koji nisu direktno u biznisu, ali imaju značajan utjecaj na stvaranje ambijenta za biznis.

To su nagrade "Najministar", "Najgradonačelnik", te nagrade najboljima u oblasti nauke, informisanja, sporta i kulture. Nagrade "Najgradonačelnik decenije" i "Najnačelnik decenije" primili su Mićo Mičić (Grad Bijeljina) i Dževad Bećirević (Općina Centar Sarajevo), a najnačelnici za 2015. godinu su: Đemal Memagić (Općina Olovo) i Agan Bunić (Općina Bužim). Premijer Vlade Kantona Sarajevo Elmedin Konaković, proglašen je "Najpremijerom BiH" 2015. godine.

U Banjaluci su Regionalna agencija za izbor i promociju najuspješnijih poslovnih ljudi i kompanija Bosne i Hercegovine, jugoistočne i srednje Evrope, Evropsko udruženje menadžera i časopis EUROMANAGER proglasili 8.12.2015. najmenadžere i najkompanije Bosne i Hercegovine za 2015. godinu.

Bilo je to tridesettreće uručenje visokih nagrada najuspješnijim

Nagrade "Najgradonačelnik decenije" i "Najnačelnik decenije" primili su Mićo Mičić (Grad Bijeljina) i Dževad Bećirević (Općina Centar Sarajevo), a najnačelnici za 2015. godinu su: Đemal Memagić (Općina Olovo) i Agan Bunić (Općina Bužim).